



Kela[®]

Vajodittem

Uánihávt já čielgâsávt | 2024

Kuntoutus | Inarinsaame

Siskáldâs

Kela vajodittem	3
Mii vajodittem lii?	4
Párnái já nuorâi vajodittem	6
Pargoahasii vajodittem	10
Toorjâ puácuvuodáin eellim várás	16
Elilâm ulmuu vajodittem	18
Áigápuátu vajodittem ääigi	20
Uuccâm	24
Návt Kela palvâl	27

Kela vajodittem

Jis tust lii puácuvuotâ teikkâ váddu, mii vâdâsmit tuu aargâ teikkâ pargoi porgâm, puávtáh finnid Kelast vajodittem.

Taan tiedettemčálusist muštâluvwoo, maggaar vajodittem puávtáh finnid Kelast já maht Kela tuárju tuu ruđâlávt vajodittem ääigi.

Kela vajodittem uárnejeh ovdâmerkkân finnoduvah já privaateerapeuteh. Kela lasseen vajodittem pyehtih faallâđ pargoialáttâslájádâsah, ornijduvah já pyereestvaijeemkuávluh.

Vajodittem lii táválávt tunjin nuuvtá.

Jis tarbâšah vieres kielâ tulkkum, tun puávtáh finnid tom meiddei vajoditmân. Mottoom vajodittempalvâlusah uárnejuvvoje meiddei ruotâkielân já sâmikieláid.

Tiedettemčááalus muštâl ive 2024 tilleest.



Lasetiäduh neetist já puhelimáin

Kela torjuin muštâluvwoo anarâškielân čujottâsâst
www.kela.fi/anaraskiela

Vajoditmist muštâluvwoo târhibeht
Kela almosuomâkielâlâš siijđoin
www.kela.fi/kuntoutus



Jis tust láá koččâmušah,
puávtáh suáittid palvâlemnumerân
020 692 205

Mii vajodittem lii?

Vajoditmáin pyereduvvoo pargonahcâ já toimânahcâ, jis toh láá hiäjunâm.

Vajoditmist tij sopâvetted vajodittem uulmijd oovtâst áámmátulmuiguin.

Vajodittem peht puáhtá finniđ meid išeniävuid, moh älkkeediteh škovlâjotteem, oppâm teikkâ pargoi porgâm.

Vajodittem ääigi puávtáh finniđ vajodittemruudâ, mii torvee tuu áigápuáđu.

Maht vajoditmân piäsá?

Tun puávtáh uuccâđ Kelast vajodittem, jis tuu pargonahcâ teikkâ toimânahcâ lii hiäjunâm.

Tun tarbâšah táválávt meid tuáhtárciäkkámuš.
Ciäkkámušâst iättoo,
maggaa vajodittem tuáhtár tunjin avžut.
Vättee tálhudemvajodittem várás
tun tarbâšah vajodittemvuávám,
mii lii rahtum almolâš tiervâsvuotâhuolättâsâst.

Ko tun lah finnim tuáhtárist ciäkkámuš,
puávtáh uuccâđ vajodittem.

Jis tun lah 16–29-ihásâš,
puávtáh finniđ nuorâ áámmátlâš vajodittem.
Tom puáhtá uuccâđ tuáhtárciäkkámuštáá.

Jis halijdah tiettiđ eenâb Kela vajoditmist,
tun puávtáh suáittiđ palvâlemnumerân 020 692 205.



Párnái já nuorái vajodittem

Kela uárnee párnáid já nuoráid vajodittem, mii puáhtá lede jo-uv ovtâskâs ulmuu vajodittem teikkâ juávkkuvajodittem. Vajodittem pyehtih ornid vajodittem uárnejieje tiilijn, pääihist, škoovlâst teikkâ peivikiäjust.

Párnái peerâkuursah

Kela uárnee peerâkuursâid párnáid, kiäin lii miinii puácuvuodâid. Peerâkuursah išedeh párnáá já perruu vuáháduđ nubástussâid, maid puácuvuotâ teikkâ váddu toovvât. Kuursâst tij teivâvetted eres perruid, kiäh láá siämmáá tiileest. Tij pyehtivetted jyehid feeriimijd oovtâst.

Peerâkuursah láá tárguttum párnáid, kiäin lii ovdâmerkkân miinii čuávuváin:

- ADHD
- autismspektri hemâdâs
- kielâovdânem hemâdâs
- Down syndroom
- diabetes
- jámálgemtavdâ
- ovdânemváddu
- uáinim- teikkâ kuullâmváddu
- CP-váddu
- puurâs
- mottoom härvinâš puácuvuotâ.

Tun finnih lasetiäđu kuursâin (suomâkielân) čujottâsâst www.kela.fi/kuntoutus-ja-sopeutumisvalmennuskurssit.

LAKU-peerâvajodittem

LAKU-peerâvajodittem lii tárguttum 7–15-ihásâš párnáid, kiäin lii ADHD, ADD, Tourette syndroom teikkâ autismspektri diagnoos. Vajodittem iššeed perruu iberdiđ pyerebeht párnáá neuropsykiatrisâš hemâdâsâid. Vajoditmist tij finniivetteđ tiäđu párnáá šoddâmist já ovdânmist. Siämmâst oppâvetted vuovijd, moh išedeh aargâst já vâdis tiilijn.

Vajoditmist tij teivâvetted meiddei eres perruid, kiäh láá siämmáá tiileest. Tij pyehtivetted jyehid feeriimijd oovtâst.

Teivâdmeh pyehtih lede vajodittemkuávdâást, perruu pääihist teikkâ eres uápis saajeest.

Oma väylä -vajodittem

Oma väylä -vajodittem lii tárguttum 16–29-ihásâš nuoráid, kiäin lii ADHD, ADD teikkâ autismspektri diagnoos. Vajoditmist tun oopah tááiduid, maid tun tarbâšah uápuin, pargoelimist já aargâst.

Vajoditmân kuleh ovtâskâs ulmuu teivâdmeh já juávkkuteivâdmeh. Ovtâskâs ulmuu teivâdmeh uárnejuvvojeh tunjin uápis soojijn, tegu pääihist, oppâlájádâsâst teikkâ pargosaajeest. Juávkkuteivâdmijn tun finnih viárdâsâštorjuu já puávtáh jyehid feeriimijd eres nuorâiguin.

Nuorâ áámmátlâš vajodittem

Nuorâ áámmátlâš vajodittem
lii tárguttum 16–29-ihásáid,
kiäin ij lah škovlâsaje teikkâ pargosaje.
Tun puávtáh finniđ tom meid,
jis tuu uápuh láá koskâldum teikkâ vaarâst koskâldud.

Nuorâ áámmátlâš vajodittem láá

- pargo finnim ovdedeijee áámmátlâš vajodittem
- vajodittemčielgiittâs
- škovliittâs
- Nuotti-hárjuttâs.

Tun puávtáh uuccâđ nuorâ áámmátlâš vajodittem
suáittimáin palvâlemnumerân 020 692 205.
Ucâmušluámáttuv teikkâ tuáhtarciálkkámuš ij taarbâs.

**Luvvâ pargo finnim ovdedeijee áámmátlâš vajoditmist
siiđost 13.**

Luvvâ vajodittemčielgiittâsâst siiđost 12.

Luvvâ škovliittâsâst siiđost 12.

Nuotti-hárjuttâs

Nuotti-hárjuttâs lii tárguttum nuoráid,
kiäh tarbâšeh persovnlâš torjuu aargâst
já puátteeäigi vuáváámist.

Tun uážuh hárjuttâsâst jieijâd välmejeijee,
kiäin tun teeivah merikoskâsávt.
Välmejeijee iššeed tuu tubdâđ,
maggaar nanosvuodáh já naavcah tust láá.
Välmejeijee puáhtá išediđ tuu meid
peessâđ uáppoid teikkâ pargoelimân.

Eres vajodittem párnáid já nuoráid

Ovdiibeln lii muštâlum
párnái já nuorái jieijâs vajodittempalvâlusâin.
Tai lasseen párnáast teikkâ nuorâst puáhtá lede vuoigâdvuotâ
meiddei Kela eres vajodittempalvâlusssáid.
Toh láá ovdâmerkkân vättee tálhudemvajodittem
já maangâáámmátlâš ovtâskâs ulmuu vajodittem.

Luvvâ vättee tálhudemvajoditmist siiđost 17.

**Luvvâ maangâáámmátlâš ovtâskâs ulmuu vajoditmist
siiđost 16.**

Jis tun lah ucemustáá 16-ihásâš,
tust puáhtá lede vuoigâdvuotâ meid

- nuorâ áámmátlâš vajoditmân
- eres áámmátlâš vajodittem palvâlussáid
- psykoterapian
- neuropsykologlâš vajoditmân.

Luvvâ nuorâ áámmátlâš vajoditmist siiđost 8.

Luvvâ psykoterapiast siiđost 10.

Luvvâ neuropsykologlâš vajoditmist siiđost 15.

Išeniävuh

Jis pärni teikkâ nuorâ taarbâš išeniävuid
škoovlâst teikkâ uápuin,
Kela puáhtá skappuđ išeniävuid.
Kela puáhtá meiddei ravviđ, maht kevttid išeniävuid.
Išeniävuid puáhtá finniđ tolemustáá vuáđuškoovlâ 7. luokkaast.

Pargoahasii vajodittem

Kela uárnee vajodittem pargoahasáid, kiäi pargonaavcâ teikkâ oppâmnaavcâ puácuvuotâ lii hiäjudâm teikkâ hiäjud alda iivij ääigi.

Vajodittem ulmen lii pyeredid pargoost vaijeem teikkâ išedid paargon maccâm. Vajodittem puáhtá meiddei išedid nuorâ peessâd paargon.

Jis tuu puácuvuotâ lii väädis já vaaigut ennuv tuu elimân, tun puávtáh uuccâd vättee tálhudemvajodittem teikkâ maangâámmátlâš ovtâskâs ulmuu vajodittem.

Vajodittee psykoterapia

Tun puávtáh uuccâd Kelast vajodittempsykoterapia, jis tun lah 16–67-ihásâš já tust lii mielâtiervâsvuođâ hemâdâs, mii vâdâsmit tuu uápuid teikkâ pargoi porgâm.

Tun puávtáh finnid vajodittempsykoterapia, jis puoh čuávuvâš iävtuh tievih:

- Mielâtiervâsvuođâ hemâdâs lii psykiatrâ pahudâm.
- Psykiatrâ lii čáállám tunjin ciälkkámuš, mane tun tarbâšah terapia.
- Tun lah jo finnim mielâtiervâsvuođâ hemâdâs tiet tipšo ucemustáá 3 mánuppaje.

Jis Kela miedeet tunjin vajodittempsykoterapia, tun finnih sajanmáávsu psykoterapeut máávsuin.



Áámmátláš vajodittem

Tun puávtáh uuccâđ Kela áámmátláš vajoditmân, jis tun jieh lah vala peessâm pargoelimân teikkâ jis tun lah lamaš tobbeen uánihis ääigi. Jis tun lah lamaš kuhháá pargoelimist, tun puávtáh uuccâđ vajodittem pargoialáttâhlájádâsâst.

Lasseen Kela uárnee pargoelimist leijee ulmuid já irätteijeid Kiila-vajodittem.

Luvvâ Kiila-vajoditmist siijdost 13.

Vajodittem ulmen lii pyeredid pargoost vaijeem teikkâ išedid paargon maccâm. Vajodittem puáhtá meiddei išedid finniđ pargosaje.

Áámmátláš vajodittemčielgiittâs

Tun puávtáh uuccâđ áámmátláš vajodittemčielgiittâsân, jis tuu pargo- teikkâ oppâmnahcâ lii hiájunâm puácuvuodâ teikkâ váádu tiet.

Vajodittemčielgiittâsâst äššitobdeeh árvuštâleh, maggaar pargo- teikkâ toimâmäppi tust lii já maggaar máátu já valmâšvuodah tust láá pargoellim várás. Tun finniih meid tiäđu jieškote-uvlágán uáppumáhđulâšvuodâin já tast, maid eres ámáttáid lii vátámuššân.

Vajoditmist tun rááhtáh áámmátulmuiguin vuávám, mii iššeed tuu peessâđ uáppoid teikkâ paargon.

Škovliittâs

Jis tust lii puácuvuotâ teikkâ váddu, tun puávtáh finniđ Kelast torjuu škovliittâsân, mii iššeed tuu peessâđ pargoelimân.

Taan torjuu puáhtá táválávt finniđ nube tääsi uáppoid, ollâškovlâuáppoid sehe uđđâsistškovlim várás. Tunjin pyehtih sajanmäksid

- koloid moh šaddeh uápuin,tegu luuhâmpajemáávsuid já škovlâtarbâšijid
- mätkikoloid pääihi já škovlâpäikkikode kooskâst.

Pargo finnim ovdedeijee áámmátláš vajodittem

Motomin puácuvuotâ teikkâ vädis eellimmuddo puáhtá toohâđ škovliittâs teikkâ áámmát valjim vädisin. Pargo finnim ovdedeijee áámmátláš vajoditmist tun finniih torjuu välmejeijest. Välmejeijee puáhtá išedid tuu kavnáđ pargosaje teikkâ vuáđudid finnoduv.

Vajoditmist lii 3 jieškote-uvlágán muulsâiävtu:

- 1. Pargoiskádállâm:**
Peesah iskâđ jieškote-uvlágán pargoid já pargosoojijid, vâi tun puávtáh čielgâdid, mii ámáttijid teikkâ pargoid heivee tunjin pyeremusávt.
- 2. Paargonvalmim:**
Tun finniih torjuu já stivrim tai tááidui oovdedmân, moid tun tarbâšah pargoelimist.
- 3. Pargoiskádállâm já paargonvalmim ovtâstume.**
Kela iššeed tuu valjid tunjin hiäivulâš muulsâiävtu.

Kela iššeed tuu valjid tunjin hiäivulâš muulsâiävtu.

Kiila-vajodittem pargoelimist leijee ulmuid

Kiila-vajodittem lii kurssâ mii iššeed tuu pyeredid tuu pargonaavcâ já pissood pargoelimist. Kela uárnee Kiila-vajodittem oovtâst pargotervâsvuodâhuolâttâssâin já tuu pargosojijnâd.

Pargoadeleijee puáhtá uuccâđ Kiila-Kuursâ pargeidis.
Meiddei áámmátlitoh pyehtih uuccâđ Kiila-kuursâ jesânijdis.
Tun puávtáh uuccâđ kuursâid (suomâkielân) čujottâsâst

www.kela.fi/kuntoutuskurssihaku.

Jis tun jieh kaavnâ hiäivulâš kuursâ,
puávtáh uuccâđ Kiila-ovtâskâs ulmuu vajodittem.
Ovtâskâs ulmuu vajoditmist vajodittem palvâluspuovtâdeijeeh
čuákkejeh ovtâskâs äššigâsâin juávhu.

Áámmátlâš Taito-vajodittem

Puávtáh uuccâđ Taito-vajodittem,
jis porgâm teikkâ oppâm lii
väädis puácuvuodâ teikkâ váádu tiet.
Vajoditmist tun finniih persovnáš stivrim,
tun uásálistáh juávkkuvajoditmân
já peesah pargohárjuttâlmân.
Tun finniih olssâd stivreijee,
kote tuárju tuu ubâ vajodittem ääigi.

Ko vajodittem nohá,
tunjin ráhtoo jieijâd áámmátlâš vuávám.

Išeniävuh

Jis tun tarbâšah išeniävuid pargoost teikkâ uápuin
puácuvuodâ teikkâ váádu tiet,
Kela puáhtá skappuđ išeniävuid tunjin.
Tun puávtáh finniđ ovdâmerkkân luuhâmtelevisio,
čyegisčááitu teikkâ stuorrâ čááitu teikkâ tiätumaašin.

Tun puávtáh finniđ išeniävu
tolemustáá vuáđuškoovlâ 7. luokkaast.
Jis tun tarbâšah eres išeniävuid ovdâmerkkân lihâdem várás,
tun puávtáh táttuđ taid almolâš tiervâsvuodâhuolâttâsâst,
tegu tiervâsvuodâkuávdáást.

läláttâstoorjá

läláttâstoorjá lii tárguttum
irätteijeid já áámmáthárjutteijeid,
kiäin lii mottoom puásu teikkâ váddu.
Tun puávtáh finniđ iäláttâstoorjuu,
jis finnoduv vuáđđudmist teikkâ rievâdempargoin šaddeh koloh.

Torjuu puáhtá finniđ

- pargoniävui, viäsukáálvui já taarbâšlâš piergâsij haahâm várás
- toimâsoojij šipšâm várás.

Tun puávtáh meid uuccâđ iäláttâstoorjuu,
jis tust lii jo finnodâh
já tarbâšah puácuvuodâ teikkâ váádu tiet pargopiergâsijd.
läláttâstoorjust ij moonâ viäru.

Neuropsykologlâš vajodittem

Neuropsykologlâš vajodittem lii tárguttum 16–67-ihásâid,
kiäin lii ovdâmerkkân luuhâmhemâdâs teikkâ addimhemâdâs
teikkâ ADHD.
Neuropsykologlâš vajodittem puáhtá finniđ
meiddei ovdâmerkkân vuoiñâšvorrâjotteemhemâdâs
teikkâ vuoiñâšvave maŋa.

Vajodittem várás tarbâšuvvoo
neuropsykolog já tuáhtár ciälkkámuš.

Neuropsykologlâš vajodittem lii táválávt
ovtâskâs ulmuu vajodittem.

Jis Kela miedeet tunjin neuropsykologlâš vajodittem,
tun finniih Kelast sajanmáávsu terapeut máávsuin.

Toorjâ puácuvuodáin eellim várás

Vajodittem- já vuáhádumehárjuttâskuursah išedeš tuu eellid pyere eellim puácuvuodâst huolâhánáá. Jis tuu puácuvuotâ teikkâ váddu lii uáli jo väädis, tunjin puáhtá heivid vättee tálhudemvajodittem teikkâ maangâámmátlâš ovtâskâs ulmuu vajodittem

Vajodittem- já vuáhádumehárjuttâskuursah

Kela uárnee vajodittem- já vuáhádumehárjuttâskuursâid párnáid, nuoráid já rävisulmuid, kiäin lii puácuvuotâ teikkâ váddu. Kuursâin finnih tiäđu tuu puácuvuodâst, viärdásâštorjuu já torjuu aargâst piergiimân.

Ko uásálistáh kuursân, tun puávtáh ijjâdid vajodittemkuávdáást.

Tun finnih lasetiäduid kuursâin (suomâkielân) čujottâsâst www.kela.fi/kuntoutus-ja-sopeutumisvalmennuskurssit.

Maangâámmátlâš ovtâskâs ulmuu vajodittem

Jis tuu puácuvuotâ vädâsmit ennuv tuu eellim, tust puáhtá leđe vuoigâdvuotâ maangâámmátlâš ovtâskâs ulmuu vajoditmân. Maangâámmátlâš ovtâskâs ulmuu vajoditmist tun finnih iše mangâ äššitobdein.

Vajodittem ulmen lii išedid tuu cevziđ aargâst, pargoost já uápuin. Uási vajoditmist puáhtá ornid juávhust.

Vättee tálhudemvajodittem

Tun puávtáh uuccâđ vättee tálhudemvajodittem, jis puoh čuávuvâš iävtuh tievih:

- Tun lah vuálá 65-ihásâš.
- Tust láá puácuvuodâ teikkâ váádu tiet sturrâ háástuh cevziđ aargâst.
- Tust lii vajodittemvuávám, mii lii rahtum almolâš tiervâsvuotâhuolättâsâst.

Vättee tálhudemvajodittem puáhtá leđe ovdâmerkkân

- psykoterapia
- fysioterapia
- toimânterapia
- sárnumterapia.

Vajodittem puáhtá leđe ovtâskâs ulmuu terapia teikkâ juávkuterapia. Terapia puáhtá finnid häävild 1–3 ive.

Vättee tálhudemvajodittem puáhtá leđe meid vajodittem- teikkâ vuáhádumehárjuttâskurssâ teikkâ maangâámmátlâš ovtâskâs ulmuu vajodittem.

Luuvâ vajodittem- já vuáhádumehárjuttâskuursâin siijdost 16.

Luuvâ maangâámmátlâš ovtâskâs ulmuu vajoditmist siijdost 16.

Elilâm ulmuu vajodittem

Jis tun lah tiävdám 65 ihheed, tun puávtáh uuccâđ Kelast vajoidittem- já vuáhádumehárjuttâskuursâid sehe maangâáámmátlâš ovtâskâs ulmuu vajodittem.

Kuursah uárnejuvvojuh ovdâmerkkân ulmuuid, kiäin lii

- vuoiñâšvorrâjotteemhemâdâs
- lihâdemhemâdâspuácuvuotâ, tegu Parkinson tavdâ
- váimupuácuvuotâ
- vuoiñâmpuácuvuotâ.

Meiddei omâhâštipšoid láá vajodittemkuursah.

Lasseen tun puávtáh finnid vajodittempsykoterapia já neuropsykologlâš vajodittem 67-ave räi.

Eres Kela vajodittem lii tárguttum pargoahasáid ađai vuálá 65-ahasáid.

Luvvâ vajodittem- já vuáhádumehárjuttâskuursâin siijdost 16.

Luvvâ maangâáámmátlâš ovtâskâs ulmuu vajoditmist siijdost 16.



Áigápuátu vajodittem ääigi

Kela puáhtá tuárjuđ tuu ekonomálvávt vajodittem ääigi.

Taah torjuuh láá

- vajodittemruttâ
- nuorâ vajodittemruttâ
- paijeentoollâmsajanmáksu.

Vajodittemruttâ

Tun puávtaáh finniđ vajodittemruudâ, ko vajodittemâd uárnee

- Kela
- pyecceiviäsu
- sosial- já tiervâsvuotâkuávdáš
- pargotiervâsvuotâhuolâttâs.

Tuu ihepuáđuh vaigutteh vajodittemruudâ miärán. Ihepuáđuh tárgutteh puáđuiddâd 12 mánuppaje ääigi. Jis tunjin miedettuvvoo vajodittem ovdâmerkkân vyesimáánust 2024 ovdâskulij, Kela máksá tunjin vajodittemruudâ tai puáđui mield, mon lah finnim 1.4.2023–31.3.2024.

Vajodittemruttâ lii ain ucemustáá 31,99 eurod peeivist áđai suullân 800 eurod mánuppajeest.

Vajodittemruudâst mana viäru.



Jis tuu pargopeivi uániduvvoo
vajoditmân uásálistem tiet,
tun puávtáh finniđ uásivajoditemruudâ.

Nuorâ vajoditemruttâ

Tun puávtáh finniđ nuorâ vajoditemruudâ,
jis puoh čuávuvâš iávtuh tievih:

- Jis tun lah 16–29-ihásâš.
- Puácuvuotâ teikkâ váddu hiájusmit
tuu pargonaavcâ teikkâ oppâmnaavcâ.
- Tun tarbâšah eromâš torjuu vajoditmân.
- Tunjin lii rahtum pyereestvaijeemkuávlustâd
persovnlâš oppâm- já vajoditemvuávám (KHOPS).

Tun puávtáh finniđ nuorâ vajoditemruudâ,
ko oopah teikkâ ko tun lah vajoditmist,
mii sihtee pargoelimân.

Paijeentoollâmsajanmáksu

Jis vajoditmist šaddeh lasekoloh,
tun sáátáh finniđ paijeentoollâmsajanmáávsu.
Tun puávtáh finniđ paijeentoollâmsajanmáávsu tuše,
jis finniih puoh ucemus vajoditemruudâ.

Táválávt paijeentoollâmsajanmáksu máksoo talle,
ko tuu vajoditem pištá tuše uánihis ääigi.
Paijeentoollâmsajanmáksu lii 9 eurod peeivist.
Paijeentoollâmsajanmáávsust ij moonâ viäru.

Vajoditemtoorjâ

Vajoditemtoorjâ lii toorjâ,
mon puáhtá finniđ Kela vajoditem maņa.

Vajoditemtorjuu tárguttâs lii išediđ tuu pargo finniimist.
Tun puávtáh finniđ torjuu,
jis tun moonah paargon vajoditem maņa
já finniih ennuv ucceeb päälhi ko tooleeb pargostâd.
Tun puávtáh finniđ vajoditemtorjuu meid,
jis moonah pargohárjuttâlmân.

Vajoditemtorjuu meeri lii enâmustáá
siämmáá verd ko vajoditemruttâ.
Vajoditemtorjust mana viäru.

Uuccâm

Uusâ vajodittem luámáttuvvâin,
mon finnih Kela toimáttuvvâin já nettisiiđoin:

www.kela.fi/luamattuvah

Täärhist ucâmušâst,
moh lahtoseh tast kalgeh lede fáárust.

Vuolgât ucâmuš já lahtosijd neetist:

www.kela.fi/neetist

Neetist puávtáh meid uuccâđ vajodittemruudâ.

Tun puávtáh meid postid ucâmuš Kelan.

Kela postâčujottâs lii

Kela

PL 10

00056 KELA

Tun puávtáh hoittáđ mestâ puoh Kela-aašijd meid puhelimist.

Ko Kela lii kiedâvuššâm ucâmušâd,
finnih pááikán miärádâs.

Miärádâsâst muštâluvvojeh tärhibeht vajodittem älgimist.

Tun finnih miärádâs meiddei talle,

jis tunjin ij lah miedettum vajodittem teikkâ vajodittemruudâ.

Almoot, jis tuu tile muttoo

Jis tuu eellim muttoo,
tot puáhtá vaiguttid Kelast puáttee torjuid.
Nubástus puáhtá kuuskâđ ovdâmerkkân asâmân, puáđoid,
porgâmân teikkâ perrui.

Mušte almottid nubástuumijn Kelan.

Tun puávtáh toohâđ tom neetist, puhelimáin teikkâ
toimáttuvvâst.

Tuu ovdâsvástádâs lii visásmittid jieijâd peeleeest,
ete Kelast láá rievttis tiäđuuh.

Talle toorjâ máksoo tunjin olmâ stuárusâžžân.

Jis miärádâsâst lii feilâ

Jis Kela miärádâs lii mielâstâd feilâlâš,
teikkâ tust láá koččâmušah,
väälđi ohtâvuodâ Kelan.



Neetist tun puávtáh

- uuccâđ torjuid
- vuolgâttid lahtosijd
- tärhistid ucâmušâd tile
- vuolgâttid viestâid
- almottid nubástusâin
- lopâttid torjuu.

Kela anarâškielân

Anarâškielâliih nettisiiđoh:
www.kela.fi/anaraskiela

Sämikielâliih tiedettemčáluseh:

Almos aassâmtoorjâ

Áigápuátutoorjâ

läláttuvah já eres iäláttuvfinnejeijee torjuuh

Olgoenâmijn Suomân tâi Suomâst olgoenâmáid

Pargottesvuotâ

Puoccâm já vâdulijtorjuuh

Pärniperruuh

Uáppeeh já viärjukenigâsah

■ **Vajodittem**

Anarâškielâlijd tiedettemčálusijd
puáhtá printtid neetist:
www.kela.fi/tiedettemcaluseh